



Inatsisartuni ilaasortaq Peter Olsen, Inuit Ataqtigiit

E-mail-ikkut nassiunneqartoq uunga: inatsisartut@inatsisartut.gl

**§ 37 naapertorlugu apeqquteqaatinut akissutit kiassaanerup
pitsanngorsarneqarnissaa pillugu UPA 2017-imi oqaluuserisap imm. 47-up
akissuteqarfigineqarneranut atatillugu.**

Inatsisartut suleriaasianni § 37, imm. 1 naapertorlugu Naalakkersuisunut
apeqquteqarsimavutit, UPA 2017-imi oqaluuserisani imm. 47-p
akuersissutigineqarnerata kingorna suliat pillugit. Apeqqutitit uannut
akisassanngortinneqarput, uanilu ataani akissuteqarfigissavakka.

**Apeqqut 1: UPA17-mi immikkoortoq 47 inatsisartunit
akuersissutigineqartoq Naalakkersuisunullu suliakkiunneqarsimasoq,
suliakkiunneqarsimasoq tamanna sumut killippa?**

Akissut: Naalakkersuisut Nukissiuuteqarnermut Imermillu Pilersuiner
immikkoortumi pilersaarutaat anguniakkanik arlaqartunik imaqarpoq, pisortat
kiassaateqarfeqarneranni pitsaanerulersitsinissamik nutarterinissanillu
imaqartunik.

Anguniakkat pineqartut ilagaat erngup nukingata aammalu atortulersuutini
teknologiit nutaat kiammik pilersuinerimi ilaatinneqassasut, nunatsinni
sumiiffinni tamani, taamaattut teknikkikkut, atorsinnaalernerat aammalu
inuiaqatigiit aningaasarsiornerrannut nunatsinni unamminartunngornerat
tunnngavigalugu.

Nukissiuuteqarnermut Imermillu Pilersuiner
aammattaq ersippoq Naalakkersuisut anguniagarigaat suli annerusumik kiaap
sinneruttup, ilaatigut ungasissumiittunik kiassaanerni
iluauqtigineqarnerulernissaa. Tamatuma saniatigut Naalakkersuisut anguniarpaat
kiassaateqarfiit ingerlatsinerat ingerlaavartunik pitsaanerulersinneqassasut,
kiaap sinnerunneqartartup iluauqtigineqarnera pitsaanerulersikkumallugu.

09-10-2019
Sagsnr. 2019 - 21353

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Anguniakkat tamakkua naammassinnaajumallugit kiassaateqarfiit kissamik pilersitsisarfiini aamma avammut nassiussisarfiini nutarterinernik pitsaanerulersitsinissanillu siunertaqartunik Naalackersuisut aallartitsisimapput.

Nukissiorfiit ilisimatitsipput kisitsisit paasissutissat maanna piusut ersersikkaat qitiusumik kiassaateqarfiit ilaat oqorsarluagaanngitsut. Tamatuma kingunerisarpaa kiammik iluaqutigineqarani annaasaqartoqartarnera. Taamaattut qanoq iliuuseqarfiginiarlugit Nukissiorfiit sanaartukkani atortulersuutinik pitsanngorsaalluni iluarsaanernik annertuunik aallartitsisimapput, annaaneqartartut annikinnerulersikkumallugit. Pitsanngorsaait ilaatigut tassaapput qitiusumik kiassaateqarfiutitsinni atortulersuutinik taarsersuinerit.

Kiaap sinneruttup iluaqutigineqartarnissaa angujumallugu inissiat maanna kiassarnermik agguuasussat ataqatigiiaat eqqaanniittut taakkununnga atassuserneqarnissaat pisariaqarpoq, tamannalu suliassat ilaanni unammillernartuuvoq.

Naalackersuisut anguniagaannut naapertuutsillugu erngup nukinga aamma teknologit nutaaliaasut pisortat nukissiuuteqarnikkut kiasaanikkullu pilersuinerannut ilanngutivitsinniarlugit Naalackersuisut Inatsisartut aalajangiiffigisassaannut siunnersuummik saqqummiussaqaarsimapput, erngup nukinganik iluaquteqarluni Qasigiannugit aamma Aasiaat pilersorneqalernissaat aamma erngup nukinganik nukissiorfiup Nuummik pilersuisup allineqarnissaa pillugu Naalackersuisut sulissutigissallugu pisussaaffilerneqassasut.

Ullumikkut Nukissiorfiit Qasigiannugit aamma Aasiaat orsussat imerpalasut iluaqutigalugit pilersorpaat. Qasigiannuganik aamma Aasiannik erngup nukinganik iluaquteqarluni pilersuilernissaq taamaasilluni kinguneqassaaq nukissiuutinik piujuaannartitsisunik iluaquteqarluni pilersuilernermik.

Taamaattumik erngup nukinganik nukissiorfiliorerup kiaap sinneruttup iluaqutigineqarneratigut pilersinneqarsinnaasut aningaasatigut iluanaarutaasinnaasut annikinnerulersissavai. Taamaattumillu kiaap sinneruttup iluaqutigineqarsinnaanerata annertusarneqarniarnera ajoqutaanngitsumik utaqqinneqarsinnaalluarpoq Qasigiannugit aamma Aasiaat erngup nukinga atorlugu pilersorneqalernissaannik aalajangiisoqarsinnaaneranut. Tamannattaq aamma atuutissaaq ukunani; Nanortalik, Maniitsoq aamma Paamiut, Naalackersuisut suliaqalersaarmata aalajangiiffigisassatut siunnersuummik nukissiuutit piujuaannartitsisut eqqarsaatigalugit.

Ilulissani sarfamid nukissiap sinneruttup imermit nukissiorfimmiit, innaallagissamit kiasaanermut qaminneqarsinnaasutut atorluarneqarnissaanut

periarfissagissaarneruvoq. Nukissiorfiit innaallagissamit qaminneqarsinnaasumit kiassarneqarnerup siaruarternissaa ingerlatilereerpaat, tamanna programiuvoq siunissami qaninnerusumi ingerlatiinnarneqartussa. Nukissiorfiit pilersaarutaat malillugu kiassarneqarnermut kiak pissarsiarineqarsinnaasoq tamarmi atorluarneqalissaaq uulia tunngavigalugu kiassarneqarneq 2023-mi taarserlugu.

Sisimiuni aqqudit tamarmik kattunneqassapput, ikuallaasarfimmit aqqud ilanngullugu, taamaaliornikkut siunissami ikuallaasarfimmit kiaap suli annertunerusup pissarsiarisarnissaa siunertaralugu.

Qaqortumi ungasianit kiassaanermik nioqqutissiornermi ilaatigut imermit nukissiorfimmit, eqqakkanut ikuallaasarfimmit kiammit aamma atortunit uuliatortunit innaallagissamik kiassaanermik nioqqutissiorneq pisuuvoq. Innaallagissiorfimmit kiammik sinneruttumik pisumik atorluaaneq killilimmik pivoq, imermit nukissiorfik uninngatillugu.

Apeqqud 2: Suliamut tassunga tunngasumik allamik Naalakkersuisut paasissutissaateqarpat?

Akissut: Naalakkersuisut allamik paasissutissaateqanngillat.

Inussiarnersumik inuulluaqqusillunga

Med venlig hilsen



Jess Svane